

A gara 21 Colombiano sin permiso ta trahando!!

Warda Nos Costa a stop "Home Treasure Carnival" show



ORANJESTAD(AAN): Personal di Warda nos Costa a base di un tip cu a drenta a bay na ex-edificio di NAPA riba L.G. Smith Boulevard pa un control riba un negoshi repentino cu a lanta yen di stranhero trahando.

Ta trata di un negoshi estilo un "trade show" vlooienmarkt caminda tin tur cos pa cas.

Na yegada di Warda nos Costa a bay haci un control unda a resulta cu tin un total di 30 colombiano trahando kendenan a yega Aruba 4 di januari y a haya un permiso di 'turista' pa 30 dia.

Cu e permiso aki e Colombianonan aki a dicidi di lanta e negoshi cu nan

tabata tin intencion di bin cune Aruba y cuminsa bende.

Un negoshi cu su apertura a plama den comunidad y tabata yen tur dia for di dia cu el a habri.

Tanto na radio, television y corant por a mira propaganda tabata tin di e negoshi aki.

Ora cu Warda nos Costa a yega den e lugar a resulta cu e tabata basta yen y a pidi tur hende cu no ta trahador pa sali.

Asina mes un total di 9 Colombiano cu ta trahando eyden a logra sali y Warda nos Costa a pone man solamente riba un total di 21 di nan.

Naturalmente un otro Colombiano naturaliza Hulandes cu den pasado caba a yega di ser gara cu trahador ilegal lo ta esun tras di e



proyecto aki.

Ta ser papia cu el priminti e hendenan permiso estilo modelo C, pero si ta asina cada uno ta costa 1.200 Florin y pa tur eynan e lo sali 36 mil Florin.

Di otro banda no por a nota ningun peticion cu a ser haci pa cu e Modelo C.

Minister a muestra cu tur hende ta keda sera y awor tur 21 Colombiano haya ta traha ta den man di polis pendiente nan deportacion.

E negoshi aki ta asina lucrativo cu te hasta pa

drenta bo mester paga 5 Florin cu cumpra algo of no.

Ademas e negoshi aki cu ilegalnan trahando no ta cumpli of contribui cu ningun tipo di placa den caha di gobierno.

Tipo di abusanon asina mester pone un fin na nan y aki ta caminda cu mester duna warda nos costa un pabien pa e bon trabao cu nan a haci.

E Colombiano Naturaliza tambe mester ser treci aden, interoga y manda e raport pa ministerio publico pa un multa.

PESTCONTROL KOMT ZO!!



BEST DEAL

Tel: 582-7050

(Pariba di Aruba Bank - Paradera)

BEST SHOPPING DEAL

Turibana Plaza - Noord

Tel: 586-5455



LION HEAD
Afl. 99.00